

2021

---"BAN-WOAZSCHILLN."---

Eine Dialektsendung von und mit H. Harrant. H.

1 Sprecher:

Bänder.

Dauer: 1/2 Stunde.

Alle Texte Harry Harrant. H.

Eingangsmusik: (fott, möglichst Zither, Zieharmonika und Gitarre.)

Sprecher: Da Woaz is herinat, a paar schöne Fuhrn -
und hiazt is's so weit, hiazt könnt' ma's scho tuan
und könnt'n scho fragn in da Nochbaschoft d' Leut,
obs kemma nöt möcht'n, zan Schölln wa scho Zeit.
Alloane datuasts nöt - und Brauh is's jo a, -
a müßade Arwat grad, oba nöt schwa.
No, gehst halt klöpfön in d' Nahat und Weit
za d' Bsundan, du woast scho, - und scho sans bereit.
Noch'n To'werk, wanns finsta wird, ruckans da o' ,
Buama und Dirndln, Weibats und Mo';
A Musi habns a mit, kreuzsaparadi,
a Zidan, a Klampfn, a Zieharmonie!.....

Musik: Band:.....

Sprecher: Und d' Bäurin hat Tee g'macht, a Haustrunk is da ,
an Öpfö und Backwerk geht a nixi o' -
und woltan a iabö a Most oda Bier,
wei, Geld wird koans gnumma, für's Woasschälln dafür.
A großmächtige Haufn liegt da auf da Erd',
aba zerscht wird oans gsunga, frisch wie sa si g'hört!

Gesang: Band:.....

Sprecher: Und hiazt höbn sö's a', hiazt geht was vom Flöck!
Es rascht und pascht, dö Blattln fliagn wög, ...
Oa Kolm um den Andan rumst eini in d' Schwinga,
da kannst gar nöt andas, da muaßt ^{ma} ~~sa~~ was singa!

Gesang: Band:.....

Sprecher: Vom Singa wirst durschti, a weng a vom Staub,

der do umanondfliagt vom a'g'schölt'n Laub,
so stärkst äi min Trunk und beißt was dazua -
und her um sei Zidan glangt hiaztn a Bua.

und spüt a rebellisches Stückl eah' auf,
a lustiges Geschichtl folgt hintnnach drauf,
denn so war's vo' ehden - und so is's nu heut,
ban Woazschöln wollns lusti sei' d'hölfat'n Leut!

Musik: Band..... (Zithersolo)

Sprecher: (Geschichte separat.)

Musik: Band:..... (Ziehharmonikasolo.)

Sprecher: Na schau da nur an, is oa Haufn scho wöck!
Und glei kimmt a zweita her auf'n Flöck.
Da locht a da Baua, dös lost si hörn,
so schlaunandö Leut, dö hat a holt gern,
da steht's scho dafür, daß a freigöbi wird
und außa da Reih a a Schnapsal spendiert....
Vasteht si, für d' Dirndln a bsundare War,
an sölba g'mocht'n, an süaßn sogar.
Und d' Mannaleut lochn, sö wißn's jo g'wiß,
daß eahna Trankl a Zwötschgana is.....
Nu flinka wia vorher gehn hiaztn dö Händ',
a Liadl klingt auf - und da Woazn is z'End!

Gesang: Band:.....

Sprecher: Uabl dort oda da, wird dö Stubn hiaztn z'eng,
No ruckans dö Tisch z'amm, dö Stühl und dö Bänk;
Dö mitbraachte Musi spüt zan Tanz noch da Plog'-
Und draußt vor dö Fensta wirts langsam scho Tag!

Musik: Band:..... (möglichst Trio wie zu Beginn, jedoch Tanzweise.)

Absage: Tagessprecher.